

Գ Լ ՈՒ Ն Ճ Զ.

'ի տանուտերաց Հայոց և Եպիսկոպոս փոխանորդէ Հայրապետութեան Հայոց ընտրեցեալ և ընդունեցեալ և հաստատեալ լինի Օրէնս կարգադրութեան հայոց զոր ինչ 'ի վեր և որ 'ի վայր ասելոց եմ, որ սովաւ լինի ընդունեցեալ ըստ կամաց և ըստ հաճոյից բոլոր ազգէն հայոց, սովաւ գտցի բոլոր հայք մի հօտ և մի կամս և Օրէնս սոցայ 'ի վերայ իւրեանց հովիւ:

Գ Լ ՈՒ Ն Ճ Է.

Զոր ինչ հատոր Օրինաց որում ժամանակի ընտրողութեան եթէ գտցի հակառակ ոք ընդդէմ կամաց ընկերի իւրոյ վիճել ճառել իրաւացուցանել, արդարացուցանել, այլ հարկ լիցի 'ի վերայ հակառակողին մինչև երիս անգամ ժողովման Օրն ազատապէս ընդդիմանալ և խօսել պատճառն մտաց իւրոց և 'ի չորրորդ անգամ ժողովումն հանիցեն թիւ տանուտերաց կողմն այն և կողմն ոչ, որում կողմ որ բազմացի թիւ կամաց մինչև միայնակ միով բերանաւ յաւելի քանթէ միւսն, հաստատեսցեն կամս յաւելորդ արանց, և պակասագոյնքն անխտրանօք և աննախանձաբար հաճեսցեն, և միարան ընդունեսցեն արդարութիւն և հաստատեսցեն նոյն 'ի յօ-